

ՀՏԴ 941(479.243)

Պատմություն

**XIII ԴԱՐԻ ԱՐՅԱԽԻ ԻՇԽԱՆԱՅ ԻՇԽԱՆ, ԹԱԳԱՎՈՐ ՀԱՍԱՆ-ՋԱԼԱԼ-ԴՈԼԱՅԻ ԾԱԳՈՒՍԸ ԵՎ ԳՈՐԾՈՒՆԵՈՒԹՅՈՒՆԸ
Ստեփան ՀԱՍԱՆ-ՋԱԼԱԼՅԱՆ**

Բանալի բառեր – Հասան-Ջալալ-Դոլա, Արցախ, Ներքին Խաչեն, Արցախի իշխանաց իշխան, Գանձասարի եկեղեցի, Կաչաղակաբերդ, Խոխանաբերդ, Հնթում I, Աթաբեկ-Իվանե, Ռուզաքան:

Key words: Hasan-Jalal-Dola, Artsakh, Lower Khachen, prince of princes of Artsakh, monastery of Gandzasar, Kachaghakaber, Khokhanaber, Hetum I, Atabek-Ivane, Ruzaqan.

Ключевые слова: Асан-Джалал-Дола, Арцах, Нижний Хачен, князь князей Арцаха, церковь Гандзасар, Качахакаберт, Хоханаберт, Етум I, Атабек-Иване, Рузакан.

**S. Hasan-Jalalyan
THE ORIGIN AND ACTIVITIES OF THE PRINCE OF PRINCES,
KING OF THE XIII CENTURY OF ARTSAKH HASAN-JALAL-DOLA**

This article presents the origin and activities of the prince of princes of the XIII century of Artsakh, Hasan-Jalal-Dola. In a very short period of time Hasan-Jalal-Dola, due to his management, diplomatic and leadership God-given talents, acquired the status of reigning. Hasan-Jalal-Dola was one of the most prominent statesmen, military and political leaders of the Armenian political reality of the XIII century. His political and diplomatic activity was a unique phenomenon in the history of medieval Armenia. He in fact (de facto) and legally (de jure) presented himself and was recognized by foreigners as the head of an independent and sovereign state.

If we try to briefly assess the activity of the prince of princes of Artsakh, we can say that if we now have a free and independent Republic of Artsakh, then in this undoubtedly also has an invaluable contribution the king of Artsakh of the XIII century, the prince of princes of the Armenian princely family Aranshakhiks Hasan-Jalal-Dola.

**С. Асан-Джалалян
ПРОИСХОЖДЕНИЕ И ДЕЯТЕЛЬНОСТЬ КНЯЗЬЯ КНЯЗЕЙ,
КОРОЛЯ АРЦАХА XIII ВЕКА АСАНА-ДЖАЛАЛА-ДОЛЫ**

В данной статье представлены происхождение и деятельность князя князей Арцаха XIII века Асана-Джалала-Долы.

В очень коротком периоде времени Асан-Джалал-Дола, благодаря своему правлению и данные богом дипломатическим и полководческим талантам, приобрел статус царствующего.

Асан-Джалал-Дола был одним из самых выдающихся государственных, военных и политических деятелей армянской политической реальности XIII века. Его политическая и дипломатическая деятельность была уникальным явлением в истории средневековой Армении. Он фактически (де-факто) и юридически (де-юре) проявил себя и был признан иностранцами как глава независимого и суверенного государства.

Если мы попытаемся кратко оценить деятельность князя князей Арцаха, то можем сказать, что если мы сегодня имеем свободную и независимую Республику Арцаха, то в этом несомненно также имеет неоценимый вклад король Арцаха XIII века, князь князей армянского княжеского рода Араншахиков Асан-Джалал-Дола.

Նորվաժում ներկայացվում է XIII դարի Արցախի իշխանաց իշխան, թագավոր Հասան-Ջալալ-Դոլայի ծագումը և կատարած գործունեությունը:

Շատ կարճ ժամանակամիջոցում Հասան-Ջալալ-Դոլան, շնորհիվ իր կառավարման, դիվանագիտական և զորավարական աստվածատուր տաղանդի, ձեռք է բերում գահերեցի կարգավիճակ:

XIII դարի հայ քաղաքական իրականության մեջ Հասան-Ջալալ-Դոլան ամենանշանավոր պետական, ռազմական ու քաղաքական գործիչն էր: Նրա քաղաքական-դիվանագիտական գործունեությունը Հայաստանի միջնադարյան պատմության մեջ եզակի նրևույթ էր: Նա փաստացի (դե-ֆակտո) և իրավաբանորեն (դե-յուրե) ներկայացել և օտարների կողմից ճանաչվել է որպես անկախ, ինքնիշխան պետության ղեկավար:

Եթե փորձենք համառոտ բնութագրել Արցախի իշխանաց իշխանի գործունեությունը, ապա կարող ենք ասել, որ եթե այսօր ունենք ազատ և անկախ Արցախի Հանրապետություն, ապա դրանում, անկասկած, իր անուրանալի ներդրումն ունի նաև XIII դարի Արցախի թագավոր, իշխանաց իշխան Առանշահիկ Հասան-Ջալալ-Դոլան:

Պատմահայր Խորենացին ցույց է տվել, որ Արցախի և ՌԻտիքի նախարարական տների ներկայացուցիչները բուն հայկական են՝ սերված Հայկ նահապետի ժառանգներից, մասնավորապես Առանից:

Մինչև ուշ միջնադար Արցախի և ՌԻտիքի իշխանական տների ներկայացուցիչներն իրենց անվանում էին Առանշահիկներ, այսինքն՝ Առան նահապետից սերված իշխաններ: Առանից սկսած՝ նրա ժառանգների իշխանությունը հայոց Արցախ և ՌԻտիք նահանգներում անընդմեջ շարունակվել է երկու հազարամյակ:

Առանշահիկների ծագման մասին Խորենացու մեկնաբանությունը հետագա հայ պատմիչները ևս ընդունել են¹: Այսպես, VII դարի պատմիչ Մովսես Կաղանկատվացին Հայկ նահապետի ժառանգներից Առանից սերված Առանշահիկներին համարում է Արցախի, ինչպես նաև ՌԻտիքի իշխանական տների նախնիներ²: Նույն տեսակետին է նաև XIII դարի մեկ այլ պատմիչ՝ Կիրակոս Գանձակեցին³:

V դարի վերջում Առանշահիկները Վաչագան Բարեպաշտի գլխավորությամբ ստեղծեցին իրենց թագավորությունը⁴ այնուհետև դառնալով թագավորական տոհմ:

Արաբական տիրապետության վերջում Արցախի Առանշահիկները իրենց իշխանությունը տարածում են հիմնականում նահանգի նախալեռնային ու լեռնային գավառների վրա, որոնք մեկ ընդհանուր անունով կոչվում էին Խաչեն⁵:

XII դարի սկզբին Խաչենի տարածքի վրա գոյանում են Առանշահիկներից սերված երկու իշխանություններ՝ Ներքին Խաչենի՝ ի դեմս իշխան Վախթանգ Մեծի⁶ և Հաթերքի՝ ի դեմս գերագահ իշխան Հասանի (1142-1182թթ.)⁷: Դարավերջին վերոհիշյալ երկու իշխանությունը ավելանում է երրորդը՝ նույնպես Առանշահիկներից սերող Վերին Խաչենի կամ Ծարի իշխանությունը⁸, ի դեմս իշխան Հասանի⁹:

XIII դարի սկզբին Մեծ Հայքի Արցախ նահանգի Ներքին Խաչեն գավառի իշխան էր Հասան Մեծի որդի Վախթանգը, որն աղբյուրներում կոչվել է նաև Վախթանգ-Տանգիկ: «Տանգիկ»-ը, ըստ երևույթին, Վախթանգ անվան երկրորդ վանկն է՝ «թանգ»-ը կամ «տանգ»-ը «...փաղաքշական «իկ» մասնիկով հանդերձ: Անվանը փոքրացուցիչ մասնիկ ավելացնելու մեջ կարող էր դեր խաղացած լինել նաև նույն ժամանակ Խաչենում գահերեցի իրավունքով իշխող տոհմակից մյուս Վախթանգը, որը Հաթերք գավառի տերն էր և կոչվում էր «գլխաւոր այլոց իշխանաց»¹⁰,¹¹:

Վախթանգ-Տանգիկն ամուսնացել էր ժամանակի հայ-վրացական միացյալ պետության ամիրապատար*, իշխանաց իշխան Բագրատունի Սարգիս Չաքարյանի¹² և Սահակադուխտ Արծրունու¹³ դուստր Խորիշահի հետ, ով ամիրապատարի պաշտոնում Սարգիս Չաքարյանին հաջորդած Չաքարեի և Վրաց արքունիքի աթաբեկ (թագավորական տան կառավարիչ, թագաժառանգի դաստիարակ)¹⁴ Իվանեի քույրն էր: Վախթանգ-Տանգիկն ու Խորիշահն ունեցել են յոթ

¹Хасан-Джалалян С., Рукописные источники по генеалогии кячзей Хачена, “Вспомогательные исторические дисциплины – источниковедение – методология истории в системе гуманитарного знания”, материалы XX международной научной конференции. Москва, 31 января – 2 февраля 2008г., ч. II, Москва, 2008, с. 648.

² Մովսեսի Կաղանկատուացույ Պատմութիւն Աղուանից աշխարհի, Թիֆլիս, 1912, էջ 14-15:

³ Պատմութիւն Հայոց արարեալ Կիրակոսի վարդապետի Գանձակեցույ, Թիֆլիս, 1909, էջ 182:

⁴ Մովսեսի Կաղանկատուացույ Պատմութիւն Աղուանից աշխարհի, էջ 55-60, 97-103:

⁵ ՌԻլուբաբյան Բ., Արցախի պատմությունը սկզբից մինչև մեր օրերը, Երևան, 1994, էջ 55:

⁶ ՌԻլուբաբյան Բ., Խաչենի իշխանությունը X-XVI դարերում, էջ 135-136:

⁷ Նույն տեղում, էջ 145:

⁸ Նույն տեղում, էջ 152:

⁹ Նույն տեղում, էջ 51:

¹⁰ Орбели И., Асань Джалал, князь Хаченский, “Известия Императорской Академии Наук”, серия VI, т. III, N 61, Санкт-Петербург, 1909, с. 408.

¹¹ ՌԻլուբաբյան Բ., Խաչենի իշխանությունը X-XVI դարերում, էջ 140:

* Ամիրապատար – XIII դարում հայ-վրացական միացյալ պետության մեջ քաղաքացիական և ռազմական գործերի գլխավոր կառավարիչ, (տե՛ս Սամուելյան Խ., Հին հայ իրավունքի պատմությունը, հ. I, Երևան, 1939, էջ 240-241):

¹² Բարխուտարեանց եպիսկոպոս Մ., Աղուանից երկիր եւ դրացիք: Արցախ, Երևան, 1999, էջ 346:

¹³ ՌԻլուբաբյան Բ., Խաչենի իշխանությունը X-XVI դարերում, էջ 148; Մանանդյան Հ., Երկեր, հ. III, Երևան, 1977, էջ 137:

¹⁴ Աճառյան Հ., Հայոց անձնանունների բառարան, հ. Ա, Երևան, 1942, էջ 65:

գավակ¹ չորս որդի՝ Հասան-Չալալ-Դոլան, Չաքարեն, Իվանեն, Դոլան և երեք դուստր՝ Մարինոն կամ կամ Մարինան ու ևս երկու դուստր, որոնց անունները, ցավոք, որևէ ձևով չեն արձանագրվել և մեզ չեն հասել:

XIII դարի սկզբին՝ 1214թ., Ներքին Խաչենի իշխան Վախթանգ-Տանգիկի վախճանից հետո նրան հաջորդում է իր ավագ որդին՝ Հասան-Չալալ-Դոլան²: Վերջինս իշխել է բավականին երկար՝ 47 տարի՝ թողնելով չափազանց հարուստ կենսագրություն:

Կիրակոս Գանձակեցին այսպես է բնութագրել նրան. «...սա (Հասան-Չալալ-Դոլան – Ս. Հ.Չ.) քունը որդի էր մեծամեծ իշխանացն Չաքարեի և Իւանեի, այր բարեպաշտ և աստուածասէր, հեզ և հանդարտ, ողորմած և աղքատասէր, ճգնող յաղօթս և ի խնդրուածս իբրև զայնս՝ որ յանապատսն կային. զպաշտօն տւրնջեան և գիշերոյ անխափան կատարէր, ուր և լինէր՝ իբրև զվանօրայսն, և զյիշատակ յարութեան Փրկչին յաւուր միաշաքաթօնջ յոտանաւոր տքնութեամբ անցուցանէր անքուն. և էր յոյժ քահանայասէր և ուսումնասէր և ընթերցող աստուածային կտակարանացն»³, այնուհետև պատմիչն ավելացնում է. «...աստվածապաշտ, երկյուղած ու պարկեշտ մարդ էր, ազգությամբ հայ»⁴:

Թեև պատմիչ Կ. Գանձակեցու խոսքը Հասան-Չալալ-Դոլայի ծագման վերաբերյալ ավելի քան հստակ է և որևէ հիմք չկա կասկածելու նրա խոսքի ճշմարտագիտությանը, քանզի դրանք ակնհաստես վկայի խոսքեր են, այնուամենայնիվ մեր օրերում դեռ կան հետազոտողներ, որոնց համար Արցախի իշխանաց իշխանի ազգային պատկանելության հարցը քննության առարկա է⁵:

Կովկասի հարցերում մասնագիտացած բրիտանացի գրող և լրագրող Թոմաս դե Վաալը, ցանկանալով պարզել Հասան-Չալալ-Դոլայի ծագումը, նամակով դիմել է ԱՄՆ Նյու Ջերսի նահանգի Ռոհան քոլեջի պրոֆեսոր՝ Կովկասի XIII դարի պատմության մասնագետ Ռոբերտ Նյուենին⁶:

2001թ. հունվարի 10-ին պրոֆեսոր Նյուենը հանգամանալից պատասխան է ուղարկել Թոմաս դե Վաալին⁷: Գիտնականը, հետազոտելով Հասան-Չալալ-Դոլայի ծագումնաբանությունը, հանգել է այն եզրակացության, որ այն բացառապես հայկական է՝ այդ մասին մասնավորապես գրելով. «[Հասան-Չալալի] նախնիները հայտնի են մինչև չորրորդ դարը՝ ներառելով հետևյալ ազնվական տոհմերը. հայրական կողմը՝ (1) Սյունիքի իշխանները (ավելի ուշ՝ թագավորները): Իր նախնիների հետ ամուսնացած իշխանուհիների գծով Հասան-Չալալը սերում է (2) Բագրատունիների տոհմի հայոց թագավորներից (Անի մայրաքաղաքով), (3) Արծրունիների տոհմի վասպուրականի հայոց թագավորներից (Վան մայրաքաղաքով), (4) Գարդմանի իշխաններից, (5) Պարսկաստանի Մասանյանների տոհմից և (6) Արշակունիներից՝ Ալբանիայի երկրորդ թագավորական տոհմից, որն ինքը (7) հնագույն պարթևական թագավորների ճյուղերից է»⁸:

Այսպիսով՝ անվիճելի է այն փաստը, որ Հասան-Չալալ-Դոլան սերում է հայոց ամենանշանավոր ու հռչակավոր տոհմերից:

Սակայն որտեղից ց այդ դեպքում նրա օտարահունչ անունը, ի՞նչ են նշանակում այս անձնավորության երեք ոչ հայկական անվանումները՝ Հասան, Չալալ և Դոլա:

Այն ժամանակների Արցախում և Հայաստանի մյուս մասերում մեծ տարածում գտած ո՛չ հայկական, նույնիսկ ո՛չ քրիստոնեական, օտար անունները, ինչպես Հասան, Վախթանգ, Քուրդ և այլն, զարմանալի չեն լինի, եթե հաշվի առնենք Իրանի, ապա և հատկապես արաբական խալիֆայության, նրանց միջոցով էլ՝ օտար մշակութային միջավայրերի ազդեցությունը հայ ժողովրդի վրա: Այլ խոսքով, պատմական տվյալ ժամանակաշրջանում արաբական լեզուն եղել է բավականին հարգի և ունեցել է մոտավորապես այն արժեքը, ինչ որ անգլերենը ժամանակակից աշխարհում: Այդ պատճառով էլ հասարակության մեջ մեծ հռչակ վայելող մարդկանց կոչել են արաբական անուններով, որպես յուրահատուկ արժանիքի տեր անձնավորությունների, դրանցից են օրինակ Չալալը, Դոլան և այլն:

¹Մատենադարան, ձեռագիր N 378, թ. 308ա-308բ; Դիվան հայ վիմագրության, պրակ V, Արցախ, կազմեց Բարխուդարյան Ս., Երևան, 1982, էջ 40, 63:
² Ուխտաբայան Բ., Խաչենի իշխանությունը X-XVI դարերում, էջ 172-173:
³ Պատմություն Հայոց արարելալ կիրակոսի վարդապետի Գանձակեցու, էջ 254:
⁴Գանձակեցի Կ., Հայոց պատմություն, թարգմանությունը, առաջաբանը և ծանոթագրությունները Վարազ Առաքելյանի, Երևան, 1982, էջ 257-258:
⁵Դե Վաալ Թ., Սև այգի, Հայաստանն ու Ադրբեջանը խաղաղության և պատերազմի միջով, Երևան, 2007, էջ 220, 223:
⁶ Նույն տեղում, էջ 225:
⁷Նույն տեղում, էջ 423:
⁸Նույն տեղում, էջ 226:

Հնում, ինչպես և այսօր, Արցախում ու նաև ամբողջ Հայաստանում, սովորության համաձայն, ավագ որդուն կոչել են պապի անունով: Տվյալ դեպքում հայր Վախթանգ-Տանգիկն ավագ որդուն՝ Հասան-Ջալալ-Դոլային կոչել է իր հոր՝ Հասանի անունով: «Հասան»-ը արաբերեն բառ է, որ հայերեն նշանակում է «զեղեցիկ տղամարդ»¹:

Խաչենի իշխան Հասանին անվանում էին նաև «Ջալալ» և «Դոլա»: «Ջալալ»-ը դարձյալ արաբերեն է և հայերեն նշանակում է «փառք, վեհություն, մեծություն»²: «Դոլա»-ն էլ արաբերեն «դավլաթ-դովլաթ» բառից է և հայերեն նշանակում է «հարստություն, մեծություն, ինչք, պետություն, իշխանություն»³:

Արցախահայությունն իր իշխանապետին՝ Հասանին, մեծարելով, կոչել է «Ջալալ-Դոլա», որ բառացի թարգմանաբար նշանակում է «փառք պետությանը», «փառք իշխանությանը»:

Սա բառացի թարգմանությամբ մոտավորապես նման է ռուսերեն «славо царю» (փառք թագավորին) արտահայտությանը, իսկ իմաստային թարգմանության պարագայում «Ջալալ-Դոլա» արտահայտությունն, ըստ երևույթին, նշանակում է «պետության փառք», «պետության վեհություն»:

Հարկ է նշել, որ Հասանի եղբայր Ջաքարեն էլ է ունեցել համանման անվանում, նա էլ կոչվել է «Նասր-Դոլա», ինչը թարգմանաբար հայերեն նշանակում է «օգնություն կամ հաղթություն պետությանը»⁴:

Ծատ կարճ ժամանակամիջոցում Հասան-Ջալալ-Դոլան, շնորհիվ իր կառավարման, դիվանագիտական և զորավարական աստվածատուր տաղանդի, ձեռք է բերում գահերեցի կարգավիճակ: Իր կառավարած գավառի՝ Ներքին Խաչենի իշխանության տարածքին միացնելով անիշխան մնացած Հաթերք գավառի տարածքը՝ Հասան-Ջալալ-Դոլան դառնում է Արցախի արդեն երկճյուղ դարձած իշխանությունների (Ներքին Խաչենի և Վերին Խաչենի կամ Ծարի) լիիրավ ղեկավարը՝ վիմագիր արձանագրություններում և ձեռագիր մատյաններում կոչվելով Արցախի արքա, թագավոր⁵, կամ իշխանաց իշխան⁶:

Հասան-Ջալալ-Դոլայի շինարարական գործունեության մասին պատմող առաջին արձանագրությունը պահպանվել է նրա տոհմին պատկանող Վաճառ գյուղատեղում, որի մասին վկայում են այժմյան Արցախի Հանրապետության Մարտակերտի շրջանի Ծմակահող գյուղի մոտ գտնվող հենքերը, որտեղ 1229թ. Հասան-Ջալալ-Դոլան կառուցել է Սուրբ Ստեփանոս եկեղեցին⁷:

1248թ. էլ Հասան-Ջալալ-Դոլան ու իր կինը՝ Մամբանը, վերանորոգել են թաթար-մոնղոլների ավերած Կեչառիսի վանքը⁸:

Սակայն Արցախի իշխանաց իշխանի շինարարական գործունեության գլուխգործոցն է համարվում Գանձասարի՝ Սուրբ Հովհաննես Մկրտչի անունը կրող եկեղեցին, որի կառուցումը նա սկսել է 1216թ.:

Գանձասարի եկեղեցու կառուցման պատմությունը հանգամանորեն ներկայացրել է XIII դարի արժանահավատ հայ պատմիչ Կիրակոս Գանձակեցին՝ միաժամանակ հաղորդելով, որ Գանձասարը հնում եղել է Ներքին Խաչենի իշխանական տոհմի տապանատունը:

Սարգիս արքեպիսկոպոս Հասան-Ջալալյանն այսպես է մեկնաբանում Գանձասար անունը. «Է գիտ փորրիկ առ համանուն լերամբն Գանձասարայ յորում է վանքն Գանձասար. արժանայիշատակ հայր Ղուկասն Ինճիճեան ասէ թէ այն լեռան կոչի Գանձասար այն է լեռան Գանձակաց, իսկ նս հաւանական դատիմ զպատմութիւն բնակչացն, որք ասեն թէ յայսմ լերին գտանին հանքք արծաթոյ, վասնորոյ և կոչեցաւ Գանձասար, այն է լեռան գանձուց, որք ի ստուգութիւն բանից իրեանց ցուցին ինձ գտնիս յորոց հանեալ են երբեմն գարծաթ բազում»⁹:

Գանձակեցին ասում է՝ «...յովով ամս աշխատ եղին ի նման»¹⁰: Գանձասարի կառուցման մեծ արձանագրությունից հայտնի է դառնում, որ եկեղեցու կառուցումը տևել է 22 տարի՝ 1216-1238թթ.:

¹ Աճառյան Հ., Հայոց անձնանունների բառարան, հ. Գ, Երևան, 1946, էջ 56:
² Նույն տեղում հ. Գ, Երևան, 1948, էջ 286:
³ Նույն տեղում, հ. Բ, Երևան, 1944, էջ 76:
⁴ Նույն տեղում, հ. Դ, էջ 24:
⁵ Դատեան վարդապետ Խ., Արցախ, երկասիրեց Մակար եպ. Բարխուդարեանց, «Արարատ», N 2, Էջմիածին, 1896, էջ 81; Ռիւրեբեյան Բ., Խաչենի իշխանությունը X-XVI դարերում, էջ 213:
⁶ Դիվան հայ վիմագրության, պրակ V, էջ 41; Մեծին Վարդանայ Բարձրբերդեցոյ Պատմութիւն տիեզերական, էջ 200:
⁷ Դիվան հայ վիմագրության, պրակ V, էջ 79:
⁸ Յովսէփեան կաթողիկոս Գ., Խաղբակեանք կամ Պռշեանք Հայոց պատմութեան մէջ, Անթիլիաս-Լիբանան, 1969, էջ 317:
⁹ Հասան-Ջալալեանց վարդապետ Ս., Ճանապարհորդութիւն ի Մեծն Հայաստան, մասն Ա, Տփլիսի, 1842, էջ 181-182:
¹⁰ Պատմութիւն Հայոց արարեալ Կիրակոսի վարդապետի Գանձակեցոյ, էջ 256:

Կարծում ենք՝ շինարարության երկար տևելու պատճառը օտարների պարբերական արշավանքներն էին դեպի Արցախ. նախ XIII դարի 20-ական թվականներին Ջալալ ադ-Դինի հորդանների արշավանքը, այնուհետև թաթար-մոնղոլների ավերիչ առաջին ասպատակությունները, որին էլ հաջորդեց երկրորդ արշավանքը:

Ժամանակի պատմիչները և հատկապես Կիրակոս Գանձակեցին հիացմունքով են նկարագրում եկեղեցու շինարարությունն ու նրա օժանդակ արարողության մանրամասները:

Եկեղեցու օժանդակ հանդիսավոր արարողությունից հետո, Հասան-Ջալալ-Դոլան շքեղ ճաշկերույթ է կազմակերպել: Ինքն անձամբ հյուրասիրել և սպասարկել է մասնակիցներին, ապա յուրաքանչյուրին իր պատվի համեմատ առատաձեռն նվերներ հանձնելով, բոլորին ճանապարհել է: Այս հանդիսությունը, համաձայն արժանահավատ պատմիչ Կիրակոս Գանձակեցու, տեղի է ունեցել 1240 թվականին՝ Վարդավառի մեծ տոնի օրը¹:

Պրոֆեսոր Բ. Ուխտաբեյանը պարզել է, որ 1240թ. Վարդավառի մեծ տոնը տեղի է ունեցել հուլիսի 22-ին և համապատասխանել է շաբաթվա յոթերորդ՝ կիրակի օրվան²:

Փաստորեն, համաձայն արժանահավատ պատմիչ Կիրակոս Գանձակեցու վկայության՝ 1240 թվականի Վարդավառի մեծ տոնի օրը առանձնահատուկ շքեղ է եղել Խաչենագետի հովիտը: Այդ օրը Արցախի կաթողիկոս Ներսեսն իր եպիսկոպոսներով ու հայոց աշխարհի ծայրերից ժամանած 700 քահանաներ պատրաստվում էին օժել Գանձասարի Սուրբ Հովհաննես Մկրտչի անվան տաճարը:

Օժանդակ արարողությունից հետո բացվել են հյուրասիրության սեղաններ: Արցախի իշխանաց իշխանն անձամբ սպասարկել է բոլոր հյուրերին: Ավելին, հանդիսավոր խնջույքից հետո ոչ ոք դատարկաձեռն չի հեռացել, Հասան-Ջալալ-Դոլան բոլորին նվերներ է հանձնել՝ յուրաքանչյուրին իր դիրքին ու պատվին համապատասխան:

Գանձասարի Սուրբ Հովհաննես Մկրտչի եկեղեցու կառուցումն ավարտելուց հետո Հասան-Ջալալ-Դոլան եկեղեցու պատերից մեկի վրա փորագրել է տվել մի բավականաչափ խոսուն արձանագրություն, որը վերաբերում է ինչպես եկեղեցու կառուցմանն, այնպես էլ Հասան-Ջալալյանների իշխանական տան տոհմաբանությանը³:

Հասան-Ջալալ-Դոլայի գահակալության սկզբում տեղի ունեցան թաթար-մոնղոլական մահապիտու արշավանքները, որոնք չափազանց բացասական ազդեցություն ունեցան մասնավորապես Արցախի ու ընդհանրապես ողջ Կովկասի քաղաքական զարգացման ընթացքի վրա:

Ժամանակի արժանահավատ պատմիչ Կիրակոս Գանձակեցին այսպես է նկարագրել թաթար-մոնղոլների հանկարծակի ներխուժումն Անդրկովկաս. «Ի ՈԼԹ (1220) թուականին...(թաթար-մոնղոլները – Ս. Հ-Ջ.) յանկարծակի յնդակարծ ժամու յոլով գունդս գօրու ծանու ամենայն կազմութեամբ ելնալ ընդ դուռն Դարբանդայ ուժգին դիմեցմամբ, և եկնալ յաշխարհն Աղուանից, գալ անցանել յաշխարհս Հայոց և Վրաց, և գոր ինչ գտանէր ի ճանապարհին՝ զամենեսնան սրոյ ճարակ տայր՝ զմարդ և զանասուն, մինչև ի շունս անգամ, և մեծագին հանդերձից և այլ ընչից փոյթ ինչ ոչ առնէին, բաց ի ձիոյ. և փոյթ ընդ փոյթ չոգան մինչև ի քաղաքն Տփլիսս, և դարձնալ եկին իջին յաշխարհն Աղուանից, ի սահմանս Ծամբոր քաղաքիս...»⁴:

Սա թաթար-մոնղոլների առաջին արշավանքն էր Անդրկովկաս և հարևան երկրներ, որով նրանք կատարել էին հետախուզություն: «...1223 թվին, մոտ երեք տարվա արշավանքներից հետո, սրանք (թաթար-մոնղոլները – Ս. Հ-Ջ.) վերադարձան Արևելք՝ Չինգիզ-խանի մոտ, հավաքած լինելով կարևոր տեղեկություններ արևմտյան այն երկրների մասին, որ իրենք նվաճելու էին մոտ ապագայում»⁵ - միանգամայն իրավացիորեն գրել է ակադեմիկոս Հակոբ Մանանդյանը:

Մոնղոլիայի մայրաքաղաք Կարակորումում, որը գտնվում էր Օրխոն գետի վրա⁶, 1235թ. թաթար-մոնղոլական ռազմաքաղաքական բարձրագույն ժողովը՝ կուրուլթայը, որոշում ընդունեց նոր արշավանքներ սկսել՝ նպատակ ունենալով մոնղոլական տիրապետությունը տարածել նաև Ռուսաստանի, Արևելյան Եվրոպայի և Անդրկովկասի դեռևս չնվաճված երկրների վրա⁷:

Եվ ահա 1236թ. կուրուլթայում ընդունված որոշումն իրագործելու մտադրությամբ արշավանքներ են ձեռնարկվում մի կողմից դեպի Ռուսաստան Չինգիզ խանի մեծ որդի՝ Ջուչիի որդի Բայթու խանի զլխավորությամբ, մյուս կողմից դեպի Անդրկովկաս Չարմաղանի զլխավորությամբ⁸:

¹ Նույն տեղում, էջ 256:

² Ուխտաբեյան Բ., Խաչենի իշխանությունը X-XVI դարերում, էջ 177:

³ Դիվան հայ վիմագրության, պրակ V, էջ 38-40; Բարխուտարեանց եպիսկոպոս Մ., նշվ. աշխ., էջ 250-251:

⁴ Պատմություն Հայոց Կիրակոսի վարդապետի Գանձակեցույ, էջ 190:

⁵ Մանանդյան Հ., նշվ. աշխ., էջ 196:

⁶ Գանձակեցի Կ., Հայոց պատմություն, էջ 317:

⁷ Մանանդյան Հ., նշվ. աշխ., էջ 210; Հայ ժողովրդի պատմություն, հ. III, Երևան, 1976, էջ 606:

⁸ Մանանդյան Հ., նշվ. աշխ., էջ 210-211; Հայ ժողովրդի պատմություն, հ. III, էջ 606:

Արցախ-Լսաչենը բաժին էր ընկել Ջուդբուդա գորավարին¹, որն, ըստ Միքայել Չամչյանի, թաթար-մոնղոլական զորքերի գլխավոր հրամանատար Չարմաղանի եղբայրն էր²:

Ի վերջո, թաթար-մոնղոլները հասնում են Արցախի սահմաններին: Նրանց թվում էր, թե Արցախը ևս կարող են անարգել նվաճել, ինչպես մինչ այդ նվաճել էին Հայաստանի մյուս նահանգները: Սակայն նրանք, չարաչար, սխալվում էին: Արցախում իր զորքերով նրանց ընդառաջ ելավ մեծ հայրենասեր ու քաջ գորավար, իշխանաց իշխան Հասան-Ջալալ-Դոլան՝ իր հայրենիքին ու ժողովրդին տեր կանգնելու ամուր վճռականությամբ:

Այս հեռատես իշխանաց իշխանն իր երկրի բնակիչներին նախապես կենտրոնացրել էր երկու անառիկ բերդերում՝ Կաչաղակաբերդում³ (Հավթախաղացում)* ու Խոխանաբերդում**։ Հասան-Ջալալ-Դոլան իր զորքով մարտի է բռնվում թաթար-մոնղոլների հետ: Երկարատև ճակատամարտի արդյունքում, սակայն, արնածարավ կողոպտիչները մեծ դժվարությամբ կարողանում են նվաճել Կաչաղակաբերդը: Նրանք գաղտագողի թափանցում են բերդն ու սրի քաշում ներսում գտնվող բազմությանը, իսկ մի մասին էլ գահավեժ անում: «...ի բազմությամբ անկեղծ ծածկեր երկիրն և արիւնն առու նդեալ՝ իբրև զջուր նրթայր, և յոչ որ խնայեցին և ոսկերքն յնտ բազում ժամանակաց իբրև զբերդուկս քարանց կուտակեալ երևէին»⁴ - գրել է ականատես, պատմիչ Կիրակոս Գանձակեցին: Երկու կողմերն էլ ունենում են մեծ թվով կորուստներ:

Առաջին ամրոցը նվաճելուց հետո թաթար-մոնղոլները շարժվում են դեպի երկրորդ ամրոցը՝ Խոխանաբերդը: Այստեղ ևս Հասան-Ջալալ-Դոլան ճակատամարտի մեջ է մտնում նրանց հետ: Երկարատև, կատաղի պայքարից հետո, տեսնելով, որ անհնար է գրավել այս բերդը՝ թաթար-

¹ Մանանդյան Հ., նշվ. աշխ., էջ 217:

² Չամչյանց Մ., Հայոց պատմություն, հ. Գ, Երևան, 1984, էջ 210:

³ Մարգարյան Ս., Կաչաղակաբերդ, Լրաբեր հասարակական գիտություններին, N 1, Երևան, 1990, էջ 45:

*Գտնվում է Լսաչեն գետից հարավ՝ Բուխտակ և Բադարա գյուղերի արանքում՝ մի բարձր և անմատչելի ժայռի վրա, (տե՛ս Ուլուբաբյան Բ., Լսաչենի իշխանությունը X-XVI դարերում, էջ 136): Ամրոցի Կաչաղակաբերդ անվանումը կապվում է այն ավանդության հետ, թե անցյալում պարտություն չտեսած և համառ դիմադրությամբ հռչակված ամրոցի պաշտպանները, երկար ժամանակ ջուր և սննդամթերք չունենալով, նահատակվում են, բայց չեն հանձնվում թշնամուն: Իսկ երբ կաչաղակներն ու մյուս գիշատիչ թռչունները սկսում են աղմուկ-աղաղակով պտույտներ գործել ամրոցի վրա, թշնամին կռահում է, որ պաշտպանները կենդանի չեն: Ահա այսպես առաջացել է ամրոցի Կաչաղակաբերդ կամ Հավթախաղաց անվանումը: Պատմական տարբեր ժամանակահատվածներում ամրոցն ունեցել է տարբեր անվանումներ. մինչև X դարը այն կոչվել է Լսաչենի բերդ, XIII դարում ամրոցը հիմնականում հայտնի է եղել Սխաղան Հավթախաղաց անունով, իսկ սկսած XV դարից այն կոչվել է Կաչաղակաբերդ, (տե՛ս Մարգարյան Ս., նշվ. աշխ., էջ 41):

**Բերդը պարսկերեն կոչվում է Խոխանաբերդ – հայերեն թարգմանաբար նշանակում է Իշխանաբերդ, (տե՛ս Գանձակեցի Կ., Հայոց պատմություն, էջ 317): Գտնվում է Գանձասարի եկեղեցուց հարավ՝ Լսաչեն գետի աջ ափին՝ ծովի մակերևույթից 1739-1812 մ. բարձրությամբ լեռան վրա՝ այժմյան Մարտակերտի շրջանի վանք գյուղից 3 կմ. հարավ-արևմուտք: Կոչվում է նաև Թարխանաբերդ, քանի որ գտնվում է Թարխանասար կոչվող լեռան վրա, (տե՛ս Мкртчян III., Историко-архитектурные памятники Нагорного-Карабаха, Ереван, 1989, с. 21): Ունի ավելի քան 2700 տարվա գրավոր հիշատակություն, (տե՛ս Կարազեղզեան Յ., Հայկական լեռնաշխարհը սեպագիր աղբյուրներում, հ. I, գ. 1, Երևան, «Մազադաթ», 1998, էջ 139): Ամրոցից փոքր-ինչ հյուսիս գտնվում են Դարպասներ կոչվող իշխանական ապարանքի ավերակները, (տե՛ս Հասան-Ջալալիանց վարդապետ Ս., Ճանապարհորդություն ի Մեծն Հայաստան, մասն Ա, Տփլիս, 1842, էջ 24; Мкртчян III., ук. соч., с. 21): Միջնադարում Հայաստանում իշխանական ապարանքները կոչվել են «դարբաս», «դարբաս», (Սոր բառգիրք Հայկազեան լեզուի, հատոր առաջին, Երևան, 1979, էջ 603-604), կամ «դարբաս», «դարպաս», (Ալիշան Ղ., Սիսական, Վենետիկ, 1893, էջ 151): Գրականության մեջ Լսաչենի իշխանական ապարանքը՝ «Դարպասներ»-ը, կոչվում է նաև Ռուզանի բերդ: Ըստ ավանդության այն պատկանել է Հասան-Ջալալ-Դոլայի դուստր Ռուզանին՝ ծառայելով նրա համար որպես ամառային պալատ: Պահպանվել են ապարանքի պարսպի մեծ մասի հիմքերը կիսակործան անկյունային բուրգերով ու դարպասով, երկու սենյակի պատերն ու ծածկի որոշ մասեր, ինչպես նաև մի քանի այլ սենյակների մնացորդներ: Ապարանքը շինարարական կամ այլ արձանագրություն չունի: Տեղագրական երկերում այն Դարպասներ անվան տակ էլ ներկայացվում է որպես Լսաչենի XIII դարի նշանավոր իշխանաց իշխան Հասան-Ջալալ-Դոլայի ապարանք, (Ղուլյան Ա., Լսաչենի իշխանական ապարանքը, «Լրաբեր հասարակական գիտություններին», N 3, Երևան, 1984, էջ 51): Իշխանական ապարանքի ավերակներից մի քանի մետր հեռավորության վրա՝ կողք կողքի, կառուցված են երկու միջին չափերի բազիլիկ եկեղեցիներ, (Мкртчян III., ук. соч., с. 22): Խոխանաբերդն ավերվել է XV-XVI դարերում՝ թյուրքական արշավանքների ժամանակ, (տե՛ս Հայաստանի և հարակից շրջանների տեղանունների բառարան, հ. II, Երևան, 1988, էջ 765): Հարկ է նշել, որ Խոխանաբերդն առ այսօր չի ենթարկվել սպառիչ հնազիտական ուսումնասիրության:

⁴ Պատմություն Հայոց արարեալ Կիրակոսի վարդապետի Գանձակեցույ, էջ 253:

մոնղոլները, դիմում են Արցախի իշխանաց իշխանին՝ առաջարկելով խաղաղություն: Հասան-Ջալալ-Դոլան մեծ նվերներով իջնում է իր բերդից և հաշտություն կնքում Արցախը նվաճելու հրաման ստացած Ջուղբուղա զորավարի հետ: Մոնղոլները «...մեծարանս արարեալ նմա (Արցախի իշխանաց իշխանին – Ս. Հ-Ջ.), տան գաշխարհն իւր ի ձեռս նորա այլ ևս յաւելուածով...»¹:

Ինչպես տեսնում ենք, իր քաջության և իմաստուն քաղաքականության շնորհիվ Հասան-Ջալալ-Դոլան կարողացել է ոչ միայն ապահովել Արցախի անվտանգությունն, այլև մեծացնել նրա սահմանները՝ թաթար-մոնղոլներից ստանալով նոր հողեր ու տարածքներ:

Դեպի Արցախ թաթար-մոնղոլների արշավանքը տևող է ունեցել մոտավորապես 1238-1239թթ., թերևս հենց 1239թ., քանզի, ըստ երևույթին, հենց այս արշավանքի պատճառով է, որ Արցախի իշխանաց իշխանը, 1238թ. ավարտելով Գանձասարի եկեղեցու կառուցումը, ստիպված է եղել օժման հանդիսավոր արարողությունը կատարել երկու տարի անց՝ 1240թ.:

Ամենայն հավանականությամբ հենց այս արշավանքի ժամանակ էլ Հասան-Ջալալ-Դոլան ստիպված է լինում թաթար-մոնղոլական զորքերի գլխավոր հրամանատար Չարմադանի որդուն՝ Բորա նուխին*, կնության տալու իր դստերը՝ զեղեցկուհի Ռուզաքանին (Ռուզանին)**, որի շնորհիվ, ըստ երևույթին, թաթար-մոնղոլներն ավելի մեղմ քաղաքականություն են սկսում վարել Հասան-Ջալալ-Դոլայի ու Արցախի նկատմամբ:

1242թ. սկզբներին թաթար-մոնղոլների մեծ խանից հրաման ստացվեց թաթար-մոնղոլական զորքերի գլխավոր հրամանատար, համրացած Չարմադանի² փոխարեն նոր հրամանատար ընտրելու մասին: Ընտրության արդյունքում նոր զորավար և առաջնորդ ընտրվեց Բաշու-Ղուրչին³, սակայն իշխանությունը պետք է վարեր Չարմադանի կինը՝ Ելթինա խաթունը⁴:

Նոր զորահրամանատար Բաշու-Ղուրչին Արևմտյան Հայաստանը սելջուկներից նվաճելու համար հայկական զորագնդերից բանակ է կազմում, որի մեջ ընդգրկում է նաև Հասան-Ջալալ-Դոլային, վերջինիս քեռիներ Իվանեի ու Ջաքարեի որդիներին՝ Ավագին և Շահնշահին իրենց զորագնդերով:

Արևմտյան Հայաստանն ու Արևելյան Վրաստանը նվաճելուց հետո մոնղոլները ցանկանում էին իրենց իշխանությանը ենթարկել նաև Իկոնիայի Սելջուկյան պետությունը:

Պարտության մատնելով սելջուկներին՝ Բաշու-Ղուրչին որոշում է շարունակել հաղթական երթն ու ծնկի բերել նաև սելջուկների առաջնորդ Ղիյաս-Էդդին քայ Խոսրով II-ի (1237-1247թթ.) դաշնակիցներին, մասնավորապես՝ Հայկական Կիլիկիայի թագավոր Հեթում I-ին:

Սակայն Արցախի իշխանաց իշխան Հասան-Ջալալ-Դոլայի դիվանագիտական միջնորդության շնորհիվ Հայկական Կիլիկիայի թագավոր Հեթում I-ի (1226-1270թթ.) ու թաթար-մոնղոլների միջև կնքվում է դաշինք, ինչի արդյունքում Կիլիկիան փրկվում է վերահաս կործանումից:

Հեթում արքան, տեղեկանալով իր դաշնակցի՝ Ղիյաս-Էդդինի պարտության մասին, որպես հեռատես միապետ, որոշում է մի պատգամավորություն ուղարկել թաթար-մոնղոլական բարձրագույն ռազմաքաղաքական ղեկավարության մոտ՝ առաջարկելով կնքել խաղաղության և բարեկամության մասին դաշնագիր⁵:

Շատ լավ իմանալով, որ ժամանակի հայ քաղաքական իրականության մեջ եթե կար մեկն, ով մեծ հարգանք ու պատիվ էր վայելում թաթար-մոնղոլական բարձրագույն ղեկավարների շրջանում, ով օժտված էր հմուտ դիվանագիտական կարողությամբ՝ պետք է ենթադրել, որ Հեթում արքան մի դնսպանություն էլ ուղարկել էր Արցախի իշխանաց իշխանի մոտ՝ խնդրելով նրա միջնորդությունը թաթար-մոնղոլական բարձրաստիճան պաշտոնյաների հետ հանդիպելու և բանակցելու համար:

Լինելով հեռատես պետական գործիչ ու հմուտ դիվանագետ՝ Հասան-Ջալալ-Դոլան, բնականաբար, հանձն է առնում իրականացնել խիստ կարևոր, ազգային նշանակություն ունեցող

¹ Նույն տեղում, էջ 255:
* թաթար-մոնղոլ. - հայերեն նշանակում է պարոն, (տե՛ս Գանձակեցի Կ., Հայոց պատմություն, էջ 197):
**Սյս ամուսնության վերաբերյալ Մուրացանը 1881թ. գրել է պատմական դրամա, որը հրատարակվել է 1900թ. «Թատրոն» հանդեսում, (տե՛ս Մուրացան, Ռուզան կամ հայրենասեր օրհորդ, Երևան, 1944):
² Պատմություն Հայոց արարեալ Կիրակոսի վարդապետի Գանձակեցուց, էջ 263:
³ Նույն տեղում, էջ 263-264:
⁴ Նույն տեղում, էջ 274: «Խաթուն»-ը մահմեդական ծագում ունեցող բառ է, որը հայերեն նշանակում է «կին», «պատվավոր կին», «տիկին», «խանըմ», (տե՛ս Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին, հ. Ա, Երևան, 1961, էջ 362):
⁵ Պատմություն Հայոց արարեալ Կիրակոսի վարդապետի Գանձակեցուց, էջ 269:

առաքելությունը: Եվ 1243թ. Կեսարիայում¹, որը համապատասխանում է այժմյան Թյուրքիայի Կայսերի քաղաքին*** Արցախի իշխանաց իշխանը Կիլիկյան հայոց թագավորական առաջին պատվիրակությանը ներկայացնում է թաթար-մոնղոլական զորքերի գլխավոր հրամանատար Բաչու նուինին, նախկին հրամանատար Չարմաղանի կնոջը՝ Ելթինա խաթունին* ու մոնղոլ մյուս մեծամեծերին²:

Հայկական պատվիրակության կազմում էին Կիլիկյան հայոց զորքերի գլխավոր հրամանատար Սմբատ Սպարապետը (գունդատաբլը՝ 1208-1276թթ.), ով, ի դեպ, Հեթում I արքայի ավագ նորայրն էր³, վարդապետ Սիմոն Ասորին և Հեթում արքայի հայրը՝ Կոստանդին⁴ պայլը**, ով գլխավորում էր պատվիրակությունը⁵:

Հասան-Չալալ-Դոլայի անմիջական միջնորդությամբ տեղի ունեցած հայ-մոնղոլական բարձր մակարդակի բանակցությունների արդյունքում կնքվում է մի պայմանագիր, ըստ որի Կիլիկյան հայոց թագավորությունը ճանաչում էր իր կախվածությունը մոնղոլական կայսրությունից, միաժամանակ պարտավորվում էր հարկ եղած դեպքում պարենամթերք մատակարարել մոնղոլական զորքերին, իսկ անհրաժեշտության դեպքում տրամադրել նաև հայկական օժանդակ զորքեր:

Մոնղոլներն էլ, ընդունելով Հեթում I-ի ընծաները, հաստատեցին բարեկամություն արքայի հետ՝ տալով նաև այդ ամենը հաստատող գիր՝ ըստ իրենց հավատի, որն «էլ-տամղան»*** էին կոչում⁶:

Նկատի ունենալով Հասան-Չալալ-Դոլայի միջնորդական խիստ կարևոր առաքելությունը՝ կարող ենք ասել, որ Արցախի իշխանաց իշխանը զգալի կշիռ և հեղինակություն է ունեցել ժամանակի միջազգային քաղաքականության մեջ:

Հասան-Չալալ-Դոլայի բարեկամությունը թաթար-մոնղոլական կայսրության առաջին ղեկավարի հետ, հմուտ քաղաքականություն վարելու կարողությունը, ինչպես նաև անելանելի թվացող իրավիճակներում արագ ու արդյունավետ լուծումներ գտնելու ունակությունը, կարծես թե, պետք է հնարավորություն տային Արցախի իշխանաց իշխանին հանգիստ ու խաղաղ իշխանավարման:

Սակայն, ցավոք սրտի, հետագա դեպքերն ու իրադարձությունները ծավալվեցին ի վնաս Հասան-Չալալ-Դոլայի, ինչի արդյունքում էլ տարածաշրջանի մոնղոլ հարկահան Արդունի հրամանով 1261թ. իշխանաց իշխանը ձերբակալվում է և տարվում Իրանի Դազվին քաղաքը, ապա կարճ ժամանակ անց ենթարկվում է մահապատժի⁷:

Հասան-Չալալ-Դոլայի նահատակությունը, Կիրակոս Գանձակեցու և Վարդան Արևելցու արժանահավատ վկայություններով, տեղի է ունեցել 1261թ.⁸:

Հասան-Չալալ-Դոլայի որդին՝ Աթաբեկ-Իվանեն, «...առաքեաց...արս հաւատարիմս և ետ գողանալ զնշխարիս հօր իւրոյ, զի ընկեցեալ կայր ի ջրհոր մի ցամաք, զի Պարսիկն որ ի տան իւրում ունէր զնա (Հասան-Չալալ-Դոլայի – Ս. Հ.Չ.) ի կապանս, տեսեալ աստուածայինս ի վերայ նորա, զի իբրև սպան զնա, իջեալ լոյս սաստիկ ի վերայ, խնամարկեալ ընկէց զնա ի ջրհորն, զի յնտ աւուրց թաղէսցէ զնա պատուով: Նա եցոյց խնդրողագն զմարմինն նորա, և պատմեաց զսքանչելի տարան զնա (Հասան-Չալալ-Դոլայի մարմինը – Ս. Հ.Չ.) ի տուն ժողովեալ խնդութեամբ, և բարձեալ տարան

¹Գալստյան Ա., Հայ-մոնղոլական առաջին բանակցությունները, «Պատմաբանասիրական հանդես», N 1, Երևան, 1964, էջ 99:

***Քաղաք կապաղովկիայում, այժմյան Թյուրքիայի Կայսերի վիլայեթի վարչական կենտրոնը, (տե՛ս Հայկական համառոտ հանրագիտարան, հ. 2, Երևան, 1995, էջ 664):

*Ելթինա խաթունը քրիստոնյա էր, մինչև Չարմաղանի կինը դառնալը Չինգիզ խանի կինն էր եղել, (տե՛ս Օրբելի Ի., հАсан-Джалал, князь Хаченский, с. 422).

² Պատմություն Հայոց արարեալ Կիրակոսի վարդապետի Գանձակեցույ, էջ 269:

³ Գանձակեցի Կ., Հայոց պատմություն, էջ 140, 199:

⁴Նույն տեղում, էջ 140: Մինչև իր մահը Սմբատ սպարապետը եղել է Հեթում I արքայի գահակիցն ու իմաստուն խորհրդականը, (տե՛ս Հայկական սովետական հանրագիտարան, հ. V, Երևան, 1979, էջ 612):

**Պայլ – պարսիկ կամ ասպետի փոխանորդ, (տե՛ս Աճառյան Հ., Հայերեն արմատական բառարան, հ. IV, Երևան, 1979, էջ 17):

⁵ Գալստյան Ա., նշվ. աշխ., էջ 98:

***Էլ-տամղան – արտոնագիր, պետությունից տրված արտոնաթուղթ, (տե՛ս Գանձակեցի Կ., Հայոց պատմություն, էջ 208):

⁶ Պատմություն Հայոց արարեալ Կիրակոսի վարդապետի Գանձակեցույ, էջ 270:

⁷ Նույն տեղում, էջ 375:

⁸Պատմություն Հայոց արարեալ Կիրակոսի վարդապետի Գանձակեցույ, էջ 375; Մեծին վարդանայ Բարձրբերդեցույ Պատմություն տիեզերական, էջ 200:

գնա ի տուն իւր, և թաղեցին ի վանքն Գանձասար ի գերեզմանս հարց իւրոց: Այլ և բերողք նշխարացն տնսին ի ճանապարհի գնոյն տնսիլ յուսոյն ի վերայ նշխարացն»¹:

Թե՛ն Կիրակոս Գանձակեցի գրել է, որ Հասան-Ջալալ-Դոլայի մասունքները «...թաղեցին ի վանքն Գանձասար ի գերեզմանս հարց իւրոց», այնուամենայնիվ, մինչ օրս հայտնի չէ Արցախի իշխանաց իշխանի գերեզմանի գտնվելու ստույգ տեղը:

Ինչո՞ւ այսօր Գանձասարի եկեղեցու գավթում ի շարս բազում տապանաքարերի չկա մի տապանաքար, որի արձանագրությունն ընթերցելով հնարավոր լինի հստակ ասել, որ ահա սա է Արցախի իշխանաց իշխան Հասան-Ջալալ-Դոլայի գերեզմանը:

Չափազանց դժվար է հավատալ, թե՛ Աթաբեկը հոր գերեզմանի վրա տապանաքար չի դրել մասունքներն ամփոփելուց հետո: Այդ դեպքում որտե՞ղ է իշխանաց իշխանի գերեզմանը:

Գանձասարի եկեղեցու գավթի արևելյան մասում՝ դեպի եկեղեցին տանող մուտքի առջև գտնվող տապանաքարը, որը գանձ որոնողների կողմից երեք մասի է բաժանվել, այնուհետև կրկին դրվել խառնված գերեզմանի վրա, բազում թուրքմացությունների տեղիք է տալիս թե՛ այցելուներին, թե՛ եկեղեցու մտաայտող հոգևորականներին, ովքեր սխալմամբ Հասան-Ջալալ-Դոլայի թոռանթոռ՝ Ջալալ Մեծի տապանաքարը նույնացնում են Հասան-Ջալալ-Դոլայի տապանաքարի հետ:

Հիշյալ տապանաքարի արձանագրությունն ուշադիր ընթերցելով՝ կարելի է տեսնել, որ այն վերաբերում է XV դարում գործունեություն ծավալած Արցախի իշխան Ջալալ Մեծին, ինչն իրավացիորեն նկատել է Բ. Ռիլյուբաբյանը²: Ահա այդ արձանագրությունը.

«ԱՅ[Ս Է] ՀԱՆԳ[ԻՍ]Տ ՄԵԾԻՆ
Ջ[ԱԼ]ԱԼԻ[Ն] ԱՂԱԻԹՍ
ՅԻ[Շ]ԵՑԷՔ ԹՎ[ԻՆ] :ՊՁ: (1431)»³:

Մինչդեռ Հասան-Ջալալ-Դոլան նահատակվել է 1261թ.՝ տապանաքարի վրա նշված թվականից 170 տարի առաջ:

Մակար Բարխուտարյանցն այս արձանագրության մասին գրել է. «Հարկ է յայտնել, որ ականաւոր իշխանս Ջալալ-Դոլայ նահատակուած է ՉԺ (1261) թուին, իսկ սորա գերեզմանի շիրմաքարն կրում է Հայոց ՊՁ (1431) թիւր: Յայտնի է, թէ («Այս է հանգիստ մեծին Ջալալին. յաղալթս յիշեցէք թվ. ՊՁ (1431)») տապանաքարս կամ նահատակութիւնից 170 տարի յետոյ ձգուած է եւ կամ փոխուած է հին տապանաքարն եւ ձգուած նորս եւ կամ այլ է Ջալալ-Դոլայի եւ այլ Ջալալի գերեզմաններն, բայց տապանաքարն միայն մի հատ է»⁴:

Դժվար է հավատալ Բարխուտարյանցի ենթադրություններին, քանզի նախ չէր կարող պատահել, որ Աթաբեկը հոր գերեզմանի վրա տապանաքար չդնէր մասունքներն ամփոփելուց անմիջապես հետո, այլ թողնէր, որ այն դրվեր հուղարկավորությունից 170 տարի հետո միայն:

Երկրորդ, եթե՛ ընդունում ենք, որ Աթաբեկը հոր գերեզմանի վրա տապանաքար է դրել մասունքներն ամփոփելուց անմիջապես հետո, ապա պետք է ենթադրել, որ նա տապանաքարի վրա փորագրել է տվել նահատակվածի, այսինքն՝ իր հոր, լրիվ կամ մասնակի անունը, այն է՝ «Հասան-Ջալալ-Դոլա» կամ «Հասան-Ջալալ»՝ միևնույն ժամանակ արձանագրելով նաև նահատակության թվականը՝ 1261:

Եվ եթե՛ հետագայում Հասան-Ջալալյան տոհմի ժառանգներն իրենց նախապապի գերեզմանի վրայի ժամանակի ընթացքում մաշված, հին տապանաքարը փոխել են և դրել նորը, ապա ճիշտ է ենթադրել, որ նրանք անխախտ կթողնեին տապանաքարի վրայի գիրը՝ մասնավորապես նահատակվածի անունն ու նահատակության տարեթիվը, ընդամենն արձանագրելով փոփոխության թվականը, այլ ոչ թե՛ Հասան-Ջալալ-Դոլայի անվան ու նահատակության տարեթվի (1261թ.) փոխարեն կփորագրեին Ջալալ Մեծի անունն ու վերջինիս վախճանի թվականը (1431թ.):

Եվ վերջապես երրորդ, անտրամաբանական է ենթադրել, որ Հասան-Ջալալ-Դոլայի և Ջալալ Մեծի գերեզմանների վրա մեկ տապանաքար են դրել, քանզի հիշյալ անձինք ոչ թե՛ ռամիկներ են եղել, այլ ազնվականներ և այս առումով կարելի է մեծ հավանականությամբ ենթադրել, որ նրանց պատվով են հուղարկավորել՝ յուրաքանչյուրի գերեզմանին դնելով առանձին տապանաքար:

Մնում է կարծել, որ Աթաբեկն, անտարակույս, տապանաքար է դրել հոր գերեզմանի վրա, որի ճշգրիտ տեղը, սակայն, դժբախտաբար, մինչ օրս, դեռևս, հայտնի չէ:

¹ Պատմութիւն Հայոց արարեալ Կիրակոսի վարդապետի Գանձակեցոյ, էջ 375-376:

² Ռիլյուբաբյան Բ., Խաչենի իշխանությունը X-XVI դարերում, էջ 208, 305:

³ Դիվան հայ վիմագրության, պրակ V, էջ 64:

⁴ Բարխուտարեանց եպիսկոպոս Մ., նշվ. աշխ., էջ 252, 375:

Այսպիսով, Արցախի Առանշահիկների թագավորական տոհմի ժառանգ Հասան-Ջալալ-Դոլան 47 տարի անընդմեջ՝ 1214-1261թթ., հանդիսացել է Արցախի թագավորը կամ իշխանաց իշխանը, կամ իր խոսքով ասած՝ «Բնակաւոր (բնիկ – Ս. Հ-Ջ.) ինքնակալ (ինքնիշխան – Ս. Հ-Ջ.) բարձր և մեծ Արցախական աշխարհի, թագաւոր Խալխանաբերդի, յոբնասահման (բազմասահման – Ս. Հ-Ջ.) նահանգաւր»¹:

XIII դարի հայ քաղաքական իրականության մեջ Հասան-Ջալալ-Դոլան ամենանշանավոր պետական, ռազմական ու քաղաքական գործիչներից մեկն էր: Նրա քաղաքական-դիվանագիտական գործունեությունը Հայաստանի միջնադարյան պատմության մեջ եզակի նրկույթ էր: Նա փաստացի (դև-ֆակտո) և իրավաբանորեն (դև-յուրե) ներկայացել և օտարների կողմից ճանաչվել է որպես անկախ, ինքնիշխան պետության ղեկավար:

Տեղեկություններ հեղինակի մասին.

Ստեփան Հասան-Ջալալյան - ԵՊՀ Հայոց պատմության ամբիոնի հայցորդ
ՀՀ Ազգային ժողովի փորձագետ
E-mail: Hasan-Jalal@yandex.ru

Հոդվածը տպագրության է նրաշխարհում լսմբագրական կոլեգիայի անդամ, պ.գ.դ. Վ.Ռ.Բալայանը:

¹ Դիվան հայ վիմագրության, պրակ V, էջ 38-39: